

朱太復文集

朱太復文集卷之十一

五湖朱長春太復英

詩

五言律

戊子

五十五首

元日

溪上渡元日廬中已四年雪衣經淚散草榻卧愁連
萬恨春風裏孤吟曙色邊遙山隣里唱痛失憶家年

小年

萬物春皆好，孤齋曉獨悲。
無兄愁問歲，多病耐經時。
同輩官階達，中年意氣遲。
烟溪吹細雨，端坐不勝思。

送吳先生見亭應歲薦北上

別兒扶策先生意，慷慨暮年江外道。
春日雪中歸，貢籍周王重徵車。
藻士賢平津，曾牧豕起晚不須。

晚愁

初雨推如絲，淒陰雪候遲。
籬荒卧病處，城晚獨愁時。
落鳥啼當竹，寒雞宿抱枝。
商歌擁大布，意苦竟無。

春大雪三首

大雪蔽天宇深雲昏水城石連溪艇白柳帶市塵清
寒榻身時病春缸酒昨成瑟居多感歎獨酌夜難平

其二

春雪厚如掌春城白似銀林歌時墮鳥巷擁不通人
爐火存孤閣厨烟靜四隣茨籬終日閉高卧意方真

其三

杳杳雲邊細垂垂風處低映溪光欲動看樹色仍迷
滿地皆流戶傷春對病妻那聞報農候雪與去年齊

微雪

薄雪雨中飛溶溶落轉微點籬稍起色映竹不成輝
鳥浴春毛淨花滋早蕊肥晚來休澹湯萬室正無衣
遊升山佑聖觀同王時立湯敬先曹德甫舍

弟明二首

下山青未極丹洞碧雲邊暖徑繁新草春泉落遠田
客行經石坐樵擔倚松眠今日清人眼峰峰致爽然

其二

草密餘荒殿山圍似古城片籬黃犬靜二月野梅清
潤色澄浮酒林聲細間鷺數杯酣夕日羣坐還

宿瓜山

瓜山牛下夕野宿石潭邊
蘆筍陰侵岸梅花暗落船
谷深時過虎村僻夜無烟
小婦挑薪賣歸來卧數錢
入妙喜寺是皎然住持處
今火廢一名寶積
不知寶積寺灰劫廢來深
碧殿殘非古青山空至今
野花春凋落細竹石榻陰
爲問高僧跡淒涼坐獨吟

宿上基山家

石磧剝開西巖深日易低
近船叢竹亂遶徑雜花迷
村子閒留客山厨夜炙鷄
門前過猛虎坐聽谷風淒

登城山望見太湖

朝入城山路初陽生嶺霞礪風搖蕙草林露浥松花
陟險衣頻却登高望獨賒臨看太湖水舟楫散如鴉

杜鵑花

花色凝如血春殘亦自嬌却看翻露葉隨次點寒條
着雨故能好經風且未飄閒房命尊酒日對慰愁焦

臧用甫過坐

蕭徑城邊舍藤床病裏身平人長見棄對尔故情親
歲餘蒸菰飯官貧漉酒巾肯畱存意氣醉舞壯吾神

贈說陣廣文王子翼同年

寒官白馬瘦看日與何如豈免貧賒酒慮多聞
鳥啼經閣暮客到講堂疎莫自嫌非好聞人薦子虛
寄錢吏部惟凝

公子為官好翩翩吏部即雲霄憐余迥契闊恨子長
家難淹孤客生涯病小牀封書十年意未必故人忘

遺婁仲仁散人

吳興

中郎久不作誰更識奇書近說高人巧能分小篆如
雲蟲存漢舊刻畫見秦餘何日携尊酒從君問魯魚

八月經不溪八錢塘作

八月秋水後深村。雨時稻寒花淡淡。菱晚葉離離。
舟載來何事。江湖意已遲。中年貧病客搖落。豈堪思。

宿橫里

未夜宿橫里。收帆繫木邊。岸荒秋雨草。村冷晚炊烟。
遲卒傳行鼓。農舟護早田。時危見蕭索。暫醉敢高眠。

行五里塘

寒蟾既有致。高木更多陰。日落連山淨。雲清次渚深。
和田啄鵲下。連浦戲魚沈。獨坐無人覺。歌成幾朗吟。

秋入法相看錫杖泉是第三遊

三入南峰下穿雲看錫泉
拂衣松子落引杖竹根偏
澗石清如雪分厨泉若烟
還期候春汲來採井茶煎

主人邵大携飲作

江郭寒峰畔雲軒秋水隅
遊人來借榻地主出携壺
夕岬藏魚靜陰篁雜鳥呼
歌巾對真率一夜肯留無

雷峰塔

塔建自吳越王紀

塔勢如爐古懸峰照水濱
深林尋寶地浩剎想宮人
鶴宿荒簷尾蛇藏曲塢蒸
狂歌看夕日湖黑慘傷神

重遊法相寺留宿史公房

山雲晁靜處秋日向昏初門閉谷風起龕深林露虛
客心坐欲澹僧梵卧聞疎不禁陶公酒頻來興有餘

行玉岑

山門玉岑是
宋理宗御書

落日玉岑靜行歌意曠然林杳披野徑竹色蔭秋天
紫綻垂霜栗黃披熟早田山門御題在獨立想千年

湖上晚歸

落日放歸船山山起暮煙藻青浮礙樂鷗白淺過田
孤塔鐘聲外長橋燈影邊遙聞喧渡口蕭鼓到城偏

舟入隱秀橋是西湖曲

湖曲厓容劒秋沙淺映袍荇蒲分渚岬桑棗自村
谷裏居人古崖邊置屋高買山如得此身世可長
遊

留宿大佛寺祥公新剎山閣

寺當巖際迴閣倚水厓清勝地高僧結秋風宿客情
夜山如畫澹遠樹若烟輕坐覺空人境將從白社盟
秋客西湖白鷺居雜詩十九首

白鷺洲邊苑清波門外廬樓空山水曠地古石林餘
八月氣蕭爽孤丘致澹如宴遊託佳勝輟喜會心疎

其二

谷僻人無事林深雲亦閒悠然西湖曲坐對南屏山
日下羊牛靜風邊漁釣還高城喧水市此地是村灣

其三

牕立王妃塔門迎學士橋湖聲湧岸口夕景抱山腰
竹過隣園翠花翻危石嬌坐吟如畫裏秋興日蕭蕭

其四

小山隱士桂傍郭故侯瓜寒色秋霜夢輕香夜月花
竹牀留酒客丹竈學仙家往往過幽賞殘詩在碧紗

其五

散酒還登閣看花亦過汀
澹雲歸古蕩遠雨落空亭
藥草霜凋黑衝波水鴨青
客愁長對此日飲不須醒

其六

麓深雲有酒沙僻水無波
萬木秋陰滿空山夜響多
漸窮幽壑趣頻喚野人過
白月清川裏携杯坐唱歌

其七

越舛湖東近吳山郭北清
日浮朝海氣潮落夜江聲
曠以登樓興悲兼遊子情
凭欄望萬里風淚忽縱橫

其八

柳下眠孤石沙頭繫小船
閒隨鷗泛泛坐看月娟娟
隣舍餘魚鱖方塘採藕鮮
園人供土物正與野情便

其九

山蟲既以楚湖鴈豈堪聞
落日當虛閣含愁對白雲
秋風長苦病歲晚更懷

君今夜回棹南嶺前木葉紛

其十

廣津空雲吹浮梁度水嬉
波中秋日淡鳥下盡船移

沙碧芙蓉麗風翻荇葉雜曾軒枝遶景日夕漁人思

其十一

今朝斗酒會小槥野船來錦樹陰水簾高花照玉杯
筍挑山底出菱採浦頭回何用謝嘉主題詩記石臺

其十二

山家少四隣憫癖客愁新深谷多聞虎空垣時過人
緩行晴岵柳雀噪暮園榛獨坐誰無念秋風覺損神

其十三

曲水城隅外荒塗人跡疎良朋能好我載酒屢停車

謝客遊多興阮公囊向虛高情逢地主清賞日常餘

其十四

客子易爲感園廬秋漸深月寒蟋蟀處霜靜蟋蟀吟
曠野村村織高城夜夜砧授衣來早晚遙念故妻心

其十五

秋日蕩湖水湖中波似霞將童媼晚棹浣女弄晴沙
野葛籠花樹浮萍匝釣家所過無問主隨處可停車

其十六

湖雨溘淒淒閉門山鬼啼浦深長郭底雲黑斷橋西

晝日絕行客
隣垣時過鷄
布袍攤酒冷
風急夜燈紅

其十七

花宮林外隱
金刹霧中開
樵子穿雲入
經僧渡水來
我進貪陟險
携興屢登臺
一往有深趣
扁舟常夜回

其十八

臨山復臨水
時醉亦時歌
但畏青尊盡
休慙白日過
殘流落寒石
枯葉散霜柯
對此忽秋老
不娛今奈何

其十九

秋山遊不盡
風雨興仍孤
紅袂淒淒客
歸心急病夫

詩牋別故主行李度西湖雲閣雷峯下還來許借無
寒夜病坐

獨坐悲涼夜清燈照菊花天霜淒塞鴈客淚對城鴉
海畔羈孤久 朝中信問賒一季強半病藥物累會
家

十月見雪前一日震雷

十月震雷羅今朝飛雪初旋雲猶縷縷點竹乍疎疎
南國農無食西風客在廬感時愁強飲流傳問溪魚
贈山人柴愚醫隱

藥叢生藥叢貧造老愈狂名山逕尚于都市識韓公
驢瘦偏知路衣單已飽霜餘錢日沽醉花底髮蒼蒼
送龍伯豫博士還天田明府

犯雪送郊外喜君留滯還到官山郭東掛席海雲邊
官達看名士家居撫壯年華前持吏綬萬里望茫然

舟中霧中

晨寒晦積雪橫棹古城東日慘浮雲外濕寒宿霧中
村雞來不近漁艇去難窮向午界山色帆邊半入空
舟中霧中

泯泯霧初散溶溶雲漸還
流風開白日餘雪澹青山
野豁鳥情悅汀虛客意閒
孤舟有尊酒乘興夕溪間

已丑

五十首

人日二首之一

白日麗城郭春風溪上來
早梅清似雪新草淡於苔
壯氣頻看劍窮愁屢覆杯
百季無思此節向人催
水部卽沈少卿自吳江來夜就其舟留酌慈

感寺前

初月落城白橫塘水夜澄
情人江上艇野酌寺前峰

經國意多壯論詩氣倍增潯留念晴昔東焚十年慰
春日放舟玉湖

江南春色早湖上草離離暖日遲舟輕風落酒危
柳塘晴岸樹花暖遠村鐘向夕憑欄望年華惜在斯
遊釣魚山

休溪三月白春滿釣魚山薄日暮無窮空村花柳斑
石平客坐無沙淺繫船閒一僧投竿起臨洲暝未還
定居島嶼縣左西溪上始至經營小築

半世長爲客孤城此是家市塵雖近利結構欲無諠

樓為藏書處因望月斜南山有佳色吾意在烟霞
新居有小閣西南山初至第二日隣翁費二
移酒共酌至月出始散

竹樹蒼涼風林花小閣東日暮浮市白山氣入樓空
獨坐聞啼鳥樓上詩老翁相隣舊相識還往夜無窮
陸大卿更請題好畫中山酒樓圖樓今未成
並以圖寄也意甚吊龍賦此嘲之

聞君荷鉅斂日日醉樓頭自渾酒中趣何須畫裏樓
生涯蓬髮短風物舊巾秋一置林間影千年識醉侯

初立小樓同諸客憑望盡醉之作二首

水樓初結膝野望忽悠哉
白日空城上青山速色來
梁空邀落景棟迥絕浮埃
坐覺高天近春鰲照月開

其二

樓高留晚興月出照南簷
露氣芳春樹星光落夜城
坐深人語息衣冷酒杯添
郭外聞漁唱山林意可兼
寄鄭大允升進士初第之二

海內知名久如今始奮身
文章終有識遇合不無神
果聞延詞客

君寵近臣良朋在天表且耐滯愁新
明在館汝

其二

汨沒一朝起飛騰喜奈何致君時正好憂國向來
多杯酒迹休浪詞篇氣不凋風塵暗節與晚矣莫蹉
跎

夜坐

獨坐東山暝西溪月在城露林春葉白星灝夜聲清
老近懷

明玉窮來疎友生孤燈念曉昔感激頓難平

初夏溪行

桑葉滿城西女郎朝出溪日高村舍白沙淺野船低
夏木山山莽時禽處處啼湖南清勝地遊興日堪携
雨過

金山白雲際雨過增清輝日氣遠開樹川光還照衣
柳花吹夾隴沙燕立魚磯獨坐悠然暮城南來婦歸
雨罷

莽莽溪雨罷虛樓獨立間日開初照郭雲淺欲離山
守拙疎人事傷春激壯顏飛花辜客思白鳥望江關

却荅會稽司理陳立父遺問久不到越郡丞
張理吾公又予鄒座師并先寄訪期

宿昔稽山興扁舟買為君湖邊人事阻江外客書
朗月思玄度高風識右軍西陵秋水白更離若溪雲
月夜獨酌

日落溪暑退虛樓獨酌情流里入遠樹白月上高城
山意坐看落蟬聲卧聽清無人覺孤興朗咏欲三更

晨坐

初日照高樹秋空霞氣清鳥聲到枕急山影入樓明

貧病成何事書牋滯此生中幸與搖落晨坐正難平

早起

新涼宜病客早起每登樓清旭臨城動初霞際海浮
野烟疎古木秋色落平疇
櫺櫺間無事攤書咏遠遊

獨酌樓月

城樓涼對水月出浮暉暉樹挂殘紅白川含遠雨微
侍兒調玉醴醉客舞羅衣不識關山道江湖意獨飛

秋漲

夜雨生秋水柴門曉漲高川煙乍浮
岸沙色欲侵濤

浴鳥翻偏疾游魚上不勞南溪半歲酒今日見行舸

卷帙

卷帙高齋願行吟曲水長斷霞延落景驟雨送微涼
極北

君勞望江南歲屢荒西風催蟋蟀斟酌耐秋霜

隱几

隱几當山郭開門看野船夕陽收市雨秋水蕩溪煙
久旱臯原白今朝草木鮮園居都免俗生理問餘田

秋日進杯

秋日水樓豁天高涼氣開溪西風乍起山晦雨初天
落木殊多思吟蟲故欲哀物有觀變態能消遣付餘杯
秋晨湧成

初煙鐵上郭朝氣漸開山野色隨看遠客心獨坐閒
遠鍾分寺閣小艇動溪灣向日紛紛鳥高飛杳莫攀
雨夜懷弟長明寄館語溪

風晚度城西溪昏巷火低衆山隨雨滅高樹與雲齊
野鶴誰家唳莎雞傷戶懷臨杯懷小弟書劍獨羈栖
獨坐

獨坐對秋曉城煙忽忽微雲山含宿露水木澹初暉
白鴈霜前過蒼鷹湖際飛携琴簇三弄心境兩無違

頻早

樓白日初出溪虛波未分秋山常帶靄朝木半含雲
野曠開羣象天清豁遠聞近來頻早起偏覺靜居欣

懷鄭大允升二首

出今安仁南丁未至

登樓有所思結綬望歸時賦好無人薦官早出年遲
王程江外路旅舍雨中卮去國當秋盛寧為遊子
悲

其二

奕奕宏詞選名流集上台如公翻作吏世俗少憐才
天關雲雖遠春城花好裁曾聞仙令爲日日到蓬萊
樓上又懷鄭大

城裏爽氣橫坐久覺心平曰落山蒼晦風高木落清
揚杯望遠道對月想高情每得聲樓句無由寄鄭生
九日同客登釣魚山之二

九日空湖上山筵掃石開舟依蘆葉佳人摘菊花來
暮色早蕪淺寒聲落木催乘高無限思風急促行杯

十月朔同弟城山掃墓遇雪

谷風吹小霰山市晦初寒十月招魂處孤雲領弟看
雪深人氣苦砂滑馬行難莽莽空原思平生淚未乾
泊葑門遇李外直使君招陪座師張都諫官
舟夜宴

客路逢佳會官船載酒來雅慈師友集張樂吏人開
垣暑風雲接江湖孔杖陪素冠淹老在高足塊羣才
閭門夜宿

水宿無差舣寒塘風晚冥城山供雲外濕江火霧中青

遊客歲將暮他鄉酒暫醒誰家歌子夜愁絕即來聽
十一月初三吳門逢生日

旅泊東遊櫂樓皇壯望人他鄉今誕日小酌對寒津
漸過年華老誰甘江海身長歌一雜劍倚汝出風塵
閭門夜達李使君歸書遺騎餉酒錢兼問買
姬却答

夜船過候騎客裏故人憐問我空將囊遺書送酒錢
未迎桃葉渡也想竹林筵兩岬青樓唱無情只獨眠

吳門至日二首

至日此為客江帆倚郭頭高風晦速市急雪灑孤舟
遲暮常賒關羈身獨倚樓季來行旅近開篋理征
裘

其二

雪靜車諸巷雲昏伍相門寒鳥集城樹野犬吠江村
酒價卽官送魚錢隣舍論他鄉親故在歲日且殘尊

遊寒山寺

寒潮石橋側野寺白雲重落日餘高木空江起暮鐘
石堂懷往古物色晦嚴冬詞客詢遺跡淒涼望曉峯

寺中唐張繼留題久廢

寒山寺曉山上人房看竹因得觀諸公留詩
贈此

閒房倚脩竹坐久澹娛人問法逢僧好有詩過院頻
寒烟疎市井夕日靜江津物外清談客公今記許詢
月夜桓虎關叩李使君衙索酒

月夜叩官署天寒索酒尊寧煩令尹覓自恃故人恩
竹氣當牕淨江聲入戶喧開門逢李耳東燭盡清言
蘇門夜逢鄭允升令安仁南下

萬里歸僂令江風吹綬絲他鄉為客歲夜月對君時
小驛停官舫孤樓進野卮北來頻有問慙佳慰吾私
吳門聞呂玉繩補吏部郎

吏部清無比如公更少季美名朝士秀世業相門
賢頃覺青雲迫能無白首憐楓江聞北信飄泊且依
然

虎關逢人戲寄呂吏部玉繩

封書問仙署天末有狂夫鑑拔羣材望升沉吾道孤
佩刀常憶呂結綬獨憐朱捫虱林中山公肯薦無

過蘇門北禪寺留無瑕上人房

古寺多衰草山門隱宿鳩浮圖經幾劫捨宅憶千秋
寺舊是戴顒宅風日孤城野雲林過客遊支公談小品香飯
晚鐘留

吳門阻冰作三首

一夜風吹水朝來冰滿河岸頭皆白雪望裏失滄波
市靜行人少沙封宿艇多殘年猶作客無褐奈歸何

其二

古郭陰多慘寒江凍更澄砂光平曳練風響雜敲冰

客舍暫停火漁舟盡罷冒渡頭終日晦獨坐對寒藤
其三

孤城似野村萬戶靜閭門落月浮無浪寒潮斷有痕
白鷗依舍集黃犬向船喧幾日晨炊冷兒童乞水煩
歸船遇雪

冰斷越來溪帆開滅渡西晚潮侵岸淺密雪壓舟低
酒貴囊盡盡衣單慄欲啼久游倦無賴書句報山妻
除夕二首之一

新家縣城口守歲酌溪邊臘火餘寒炬春星上夜筵

一夫久滯里豪氣激流幸舊有林花頌行將
天元口立春

朱太復文集卷之十終

朱太復文集卷之十一

朱太復文集卷之十二

五言宋長春太復著

詩

五言律

康寅

九十三首

元日二首之一

是日立春是歲當赴補

元日逢春日東風雨細吹溪邊行菜處
關下頌花時草木迎陽動江湖撫壯思猶餘
犬馬力駘策未言遲

四日酌舍弟明所

今日春盤會高歌向阿雲家筵杯細細兒子舞紛紛
少壯漸輸我行藏還念君空堂秉燭夜猶憶坐論文
雪中飲德清宋明府汝傑席上作

對酌長橋署公庭坐見山早春城郭靜風雪吏人閒
穗麥聞谿外胡牀下壁間看君論荒政感激壯夫顏
再入西湖望雪

積雪清暉發西湖靜轉深白烟砂泚泚蒼靄木沉沉
野艇橫橋隱寒花倚寺陰孤山老素好相識欲相尋

雪阻度江留宿昭慶能上人房

遊客投眠處僧家試酒缸
湖風清寺磬木氣靄樓牕
中夜忽飛雪明朝阻度江
淹留還問法燈影照禪幢

初過江又作

雪餘明海岬日出動江船
驛路分吳樹行人問越烟
潮生沙槩亂風滿布帆偏
南紀登巡地遙遙近斗邊

西興登望海樓

久日浙江口高風望海樓
東南山水盡吳越郡城浮
霸國餘荒野孤舟試壯遊
蓬萊如可見掛席白雲求

初入越道中

白雪映山空黃雲近日東
荒槁臨碓水素舸出樵風
海上屋廬古江南桑柘同
今朝入越客冠冕未應窮

正月二十晚到蕭山看燈

山槁停晚棹江縣看春燈
雜火侵星落繁花引月升
市喧遊騎過簾白美人凭
客路憐風俗江南樂事仍

夜行錢清起望慨然之作

卧聞潮落聲起問是錢清月
黑鳥啼舍江昏火動城
山依雲裏看舟入畫中行
時有鳴榔者牽魯倚舡橫

曉到會稽城

舊城春水東宿霧到孤航禹鑿江沙石秦游海所桑
朝儀通上國霸氣略南荒採戢詢遺處令人壯越王
戢山在越城中

鎮越堂懷舊司理楚陳立父

春風吹古臺獨鶴海東來白雪含城迥青山照署開
投車人不見問勝客空回何事三年興丁亥與立父
越遊之約
蹉跎地主杯

雨過山陰道中入諸暨作五首

馬頭溪雨罷嶺上半含雲木翠兩邊合禽聲終日聞
穿林天乍逼過澗水初分自古山陰道行人說右軍

其二

礧道若耶西山盤怯馬蹄雨收千樹白雲落萬峰低
野色隨行變村烟逐望淒遙川似空鏡借問已諸溪

其三

脩竹村時有白雲山更賒平田啼布穀春澗落梅花
東嶺遙看西施何處家夕陽裙帶草人正憶溪紗

其四

落日照山嶺春烟雨後鮮暮潮富渚外寒木秘湖邊
數問縣中路空懷門下賢遠道愁跋涉賴得好山川
時訪郡丞張先生

其五

行行深谷處靄靄勝風殊婦女如秋月溪山似畫圖
停車隱雲樹下馬傍村酤所見物清絕越中天下無
入諸暨為與人相詒間道而進至縣乃知當
經蘭亭久想名蹟既值便途不得遊目深負
昔賢慨然作此

不識山陰徑翻從間道過蘭亭空在望脩竹竟如何
自覺勝遊阻徒勞行路多惠風流水曲途繼昔賢歌

宿諸暨大雄寺同費二

野寺帶江風山城晦雨中暮鍾官騎至寒榻故人同
門傍鯉湖白樓侵穀嶺空今朝許玄度何處問支公
支公曾隱諸暨

出三江口南下

日出漾清渚三江帆正開白憐茅步

山名

過青見亭

蘿

村名

來海氣如秋雨春潮似薄雷空餘好山水已

是越中回

下江值病近暮風急愴然泊舟

薄暮海風起江昏落日無客游千里外抱病一舟孤

水氣知芳杜春聲聽鷓鴣

越中自別有鳥曰鷓鴣

船人且為住

明日過湘湖

簇富陽江又作

潮落布帆起波光白照人大江春水盛初日遠山新
島嶼明滄海人烟出富春平生川上興對此坐怡神

出越渡江

沙船含宿霧野浦帶朝光來往中流望山川古意長
江平思夏后潮落憶錢王今日東游客狂歌反故鄉
祥上人治酒同泛西湖二首

遠公携酒好二月泛平湖夕日開蘭槳春波照玉壺
渚明花氣簇谷靜鳥聲孤萬物欣陽靄風光坐自娛

其二

白幘來臨酒袈裟共泛船禽魚熙暖渚花草麗春天
曲浦留雲鬢平橋度玉鞭相歡遊士女取醉夕陽前
偕宿大佛寺祥公憑虛閣早起湖霧有阻春

望

山中春睡曉牕白霧霏霏水木迷朝望雲烟濕夜
鳥啼知嶺近船過入槁微晨飯辭僧去如憐清興遠
初出廬北上

結束萬里馬六季始出廬憂時身欲老報國氣仍
餘仗劍離尊嚴攀花別客疎平生羞竊祿晚矣竟何
如

度虎關夜酌李林玄計部

夕日下江潯春杯對綠波餘霞庭外落初月渡頭多

曲室懷餘賞
征途惜輟過
關門楊柳色
欲折不堪歌

丹陽道

落日傍船盡
長歌野望清
海風疎木潤
江月映潮生
禮樂延州宅
兵戈大帝城
異時懷重鎮
荒亂獨含情
病過雲陽驛
博士朱邦喜
追謁河津不
得執手

抱被過江驛
空煩博士車
風雲偶病阻
歲晚敢情疎
立馬依津柳
行杯想署魚
差池復湖海
長媿六年書
朱故同官舒
別已六年

登金山寺與湯七敬先舍弟明言別二首之

一

大江流欲盡滾滾寺門深日月浮南北山川浩古今
遠遊憐勝槩別客試登臨暮色中原曠憑高萬里襟

明月大江口

擬古

明月大江口孤帆思殺人天空山更遠潮落水初勻
妾夢臨揚子商船下孟津遙聞石城樂曲斷翠眉顰

明月放船揚子江

明月堪娛客空江更浩歌雲寬野望淺水靜夜聞多

窈窕山峯見參差城郭過放帆情未已風急奈歸何
夜行廣陵道先寄太守徐見吾公

樹暖人家暮潮回煙渚平捲簾看月色倚枕聽江聲
浩蕩勞南首樓皇問北征前途識劉尹一寄醉蕪城
早過白馬湖有懷李舛玄

積水浮清旦初暉皓遠湖人煙隨驛見行色帶帆孤
故舊沿途少高賢流俗無過江南充盡客意只東吳
夜過淮有感兼懷舍弟

海風廓白霧明月度淮陰戍鼓依雲落夷歌下浦深

臨河魚鱉歎懷土鵲鵲心誰念津亭寒三更遊子吟
出淮念弟應已到家又作

一別日回首客心悠未窮行人桐柏尾歸棹具區東
出處偶然異風雲長望同莫言減驃騎釣碣老任公
河行懷弟妹

黃河怒浩浩自古壯茲津澤氣常靈日濤聲時懼人
客程淮北遠弟妹海東濱不見舟行險臨流坐損神
過下邳

洪水流日夜客心蕩未平烟雲變山色風雨入濤聲

草古留侯石

圯下進履處

人荒呂布城英雄氣不盡莽莽

至今情

過徐

驛門高瀨曉津鼓放帆初旭日浮東魯羣山略古徐
歲荒閭井瘦河淺野田茫為問齊南麥途窮為悵予
時徐泗不雨三月

暖日

暖日飛飛燕空湖泛泛鳬平臯稀稼穡古落半樵蘇
江左昨方旱山東雨又枯啼號半天下憂世壯心孤

夜過魚臺

是魯公陳魚處

泗水淺可掬魯南原陸清長楊連地暗初月與波平
臺有陳魚臨村稀吠犬聲行船徹夜穩風俗古含情
端午舟中卧病承就李孫公子成憲遺詩答

贈

小婦五絲囊舟中午日觴逢時知是客抱病覺懷鄉
公子憐同里新詩問小航晚交得孫楚湖海意難忘
舟阻寫悶

山東春不雨泗水白沙枯風響時時怒舟維日日孤

移家累久客得病悶中途滿眼零歌慘農功更憶吳
阻泊米盡呈御史大夫潘公

津帆日不動伏枕緒如絲道路家難寄 朝廷望轉
遲孤舟米盡處滿地麥枯時窮病他鄉阻非公誰念
私

久旱阻舟再承孫公子寄詩稱慰訓謝

烈日慘桫悠悠荒大東浮雲不成雨曠野只多風
僮僕憂米貴隣翁問路窮虛名詞賦在未足濟囊空

三宿魯橋

三宿魯檣下題詩記客遊健兒朝走馬小嬾夜騎牛
眼暗孤津柳頭風五月來家書來未得况乃絕行舟
任城移家暫住駕部于子少同年養素園三

首

秀木好園廬魯南風物餘涼陰散高葉落日曠中除
勝迹憐幽事他鄉寄暫居門庭得賢主樓託免愁予

其二

結亭依古木引井落平池地曠孤城裏雲涼五月時
病妻欣過暑遊客爽吟詩反覺他鄉好追隨勝槩期

其三

到來生隱意稍住洽幽襟月出照城迥花開歌戶深
主人賢愛客來往夜論心何事明驅馬悠悠負入林
北上發南城驛寄書舍弟長明報寄家消息
憑客傳吾弟中途改客程馬駟河北路家寄魯東城
幕府分供給居庭仗友生別離三兩處此日意蹤橫
萬曆十八年以補吏赴都五月抵宣武門
作自十一年出令赴官至此始入

馬首

國門在七年經此途眼開瞻日月心喜失江

湖文物勞頻問

朝廷且暫趨無才尚為吏戀

主只區區

大暑稅駕

都門我瘡菴病暍伏枕承茅薦

卿侍御携酒榼見勞逮暮衝雨馬歸慨謝之

作

國外停車慶僧家伏枕隈傳呼御史馬嗟接故人杯
別緒經時問歸鞍暮雨催君看垂白吏誰宵更憐才
送徐養浩年丈理刑瀘江

淝上曾為令送君南首看孤雲落淮甸五馬渡江干

地僻原田莽時荒戶口殘故遊無盡思灑淚向刑官

夏夜飲吏部郎呂伯繩署

白雲即舍靜暑雨 帝城涼秉燭收官馬調琴侑客
觴雪桃浮玉椀冰水注銀牀今夕憐風月高談醉不
妨

初登玉泉山入華嚴寺

下馬石梁夕山昏古寺空洞門陰帶雨寺有七真洞雲壁

迴生風 陵關通湖外乾坤曠海東 帝郊靈氣滿

落日望無窮

宿金山寺

暮山鍾鼓起林火客來初洗馬寒塘淨鳴蟲高葉疎
開襟領清露携榻對紅蕖此地隔人境禪心卧澹如
碧雲寺泉亭

苦竹危巖底泉亭六月寒雨新荷葉潤日古柳絲殘
蟬曲風邊聽松衣石上看流觴隨意好吾坐得盤桓
雨酌望湖亭

山黑樵人下朱亭繫馬孤關雲浮北海陵雨度西
湖秋意疎荷芰天風落鸛鳬近郊供客眼細酌暫相

矢太漫文集

詩卷之十一

十一

娛

雨夜

燈前拭寶刀
秋雨度城高
未覺清烽火
還愁濕羽旄
漢兵沒秋道
胡馬牧臨洮
莫倚和戎策
將軍氣不豪

邊事

傷副將李聯芳

萬馬沒雲中
沙昏洮水紅
匈奴初逐勝
都護不成功
自矢和親計
誰思飛將雄
九邊夷盡擾
報國在諸公

赴陽信出

都同門諸公

國外餞別感懷

作

匹馬赴官去臨岐慷慨言十年重遠關一命尚慙
恩壯士輶軻久諸公意氣存離觴太行雨沾灑望千
門

初到縣十餘日同伍張王三廣文暮集董光
祿園

初官欣暇日携客集名園海畔此樓迥秋高落木繁
平池清部樂餘照動孤尊月出徘徊舞時憐傲吏存
日晏

日晏息公事開尊試小吟鳥歸閑暮閣月出靜高林
遠望頻懷關端居暫撫琴勞勞東海畔初仕意方
深

初謁府至歷城

抱印初趨府停車古歷城市通濟水潤雲落岱宗清
雞犬喧齊俗臯原莽舜耕杜遊懷勝跡詢訪且平生

同崔德平傳甫看趵突泉

泉在歷城南千佛山北自地湧出沫

如噴雪

問訊佳泉好秋亭倚馬看瀑聲吹瀨細雪色照林寒

丘壑後來趣濠梁此共觀清譚過落日暫覺傲微官

登聞韶臺

高臺曲堤上攬古暮登臨遺廟丹青落空墟鳥雀吟
秋雲滄海闊落日華山深人樂千幸絕流傳想至今

秋日廳事作

涼風振庭木端坐有餘清白日吏人靜空庭鳥雀鳴
地偏欣寡務天爽動閒情疎拙無長策狂歌負
聖明

費二在信縣逢生日酌酒贈之

平生初度日垂老異鄉身縱飲率常好論交晚貴真
時艱愁任吏縣僻強留賓多病羈天末君無念故人

陽信卧病作二十首

到縣五十日病病六十日方起自季秋入仲冬

孤城日閉閣羸卧及秋過自拚病夫棄人如傲吏何
小寒木落盡永夜鳥喧多片枕經時散愁能髮不皤

其二

疆野東方盡煙沙北海寬遼隅違遠客久病累初官
案牘沈非少方書試轉難確心逢偃蹇撫壯一長歎

其三

生常患犬馬顛豈過鷦鷯萬里愁支骨十季老折腰
養病非俗吏藏拙托清朝猶覺微官縛迂疎嬾解
嘲

其四

不是投荒在無端卧治偏沙田唯種黍鹵井不通泉
酒苦調羊酪壚寒席馬韉遙遙冥海候善病轉難便

其五

頗藉虛名竊其如弱骨慵無才下位隱多病上官容
短日淒窮海陰沙晦益冬床頭檢簿署報

主媿哀庸

其六

靜心觀物理高卧識生涯藥竈燒槐葉藤牀對菊花
貧應罷漉酒病更想飡霞僮僕驚顏面清虛合道家

其七

小國真無事連旬好熟眠訟庭閒落木吏卒罷歸田
客少過詢疾人還上稅錢古風宜吏隱稍慰病還延

其八

海上颯飛雨晨涼清病夫下牀看樹咲行藥傍欄扶

麥葉雖云晚農華且免枯小東終歲旱伏枕正愁吾

其九

西風懷北關南日望東吳弟妹他鄉隔乾坤小縣
孤病中百慮滿江外一書無萬里憑誰報秋來眼淚
枯

其十

秋槐轉蕭索客病尚休衙白日眠官馬清霜叫乳鴉
衛生翻本草學道試河車不是神仙令愁無勾漏沙

其十一

海上早嚴色塞門多莽雲寒花愁裏看風葉卧中聞
疾病還憂國瘡痍屢敗軍連朝西蜀報劍外虜成
羣

其十二

病後眠常少客中思更淒風高斷戍鼓霜白厲晨鷄
漸老猶無子衰顏屢問妻古來才士困萬物竟難齊

其十三

力疾坐南簷今朝乍啟簾梳頭就日煖倚杖試風恬
暫得吾生適還憂吏事淹此身絳五斗達者愧恹潛

其十四

海甸陰多濕海天晝始清白沙風東下黃日霧中生
捲懷衣頻曝攤書架屢更簷前理幽事物態頗含情

其十五

支牀反復頻閉戶復清晨海氣偏欺客陰沙善中人
乍晴初愈痺小雨頓侵神病免亦由我乾坤重此身

其十六

孤城莽草中歲晏海多風鵲乳巢枝白鷹喧獵火紅
久眠裘盡敝得病裯初縫天運兼人患相催髣髴蓬

其十七

氣候殊方舛陰陽十月催天蒙黃霧起海動黑風來
避雪賓鴻盡呼霜鷓鴣哀始知禽鳥性總不耐寒灰

其十八

習習風吹雪沍沍日傍城少檐看蟻穴隱几過雞聲
將適且生理支離豈吏情昨來表解印暫穩卧平明

其十九

狂無適俗韻病尚愛孤吟天地肅何日功名負此襟
白雲終曠蕩烏帽且浮沉茲地東方朔知予避世心

其二十

日月餘生見門庭今日除衣冠心且喜案牘氣何如
汲黯顛趨闥相如好著書十年添懶病當路孰吹嘘
送費二又作

歎子歸因病逢予病送歸從來萬里別此去一沾衣
風雪暮年路邊城小署靡故鄉人到少書斷北鴻飛

日出

日出坐微霤開牕對古槐初煙橫市井積雪照庭階
海國容高卧滄江動遠懷病中吏事謝閒看白雲佳

暮駢濟北

走馬白日暮蕭蕭野望昏窮陰晦北海積雪皓平原
獵火橫過野犁牛稍入村齊風豪自古曠蕩此誰論
重出歷山門因訪歷下亭

歷門朝度馬寒色莽孤城高木霧中暖諸山雪後清
橋憐再渡興亭訪古遊情豪達空陳跡悲涼白草平

朱太復文集卷之十二終